

## PENGENALAN


Majlis Optik Malaysia (MOC) telah ditubuhkan pada 1 haribulan Februari 1992. Sebagai badan regulatori, MOC bertanggungjawab mendaftarkan optometris dan juruoptik. MOC juga diberi tanggungjawab memantau perkhidmatan dan amalan optometri di Malaysia melalui penguatkuasaan undang-undang selaras dengan Akta Optik 1991 dan Peraturan Optik 1994. Sebagai badan profesional, MOC juga membuat penilaian serta pengiktirafan terhadap Program Optometri dan Opticianri yang dikendalikan oleh Pemberi Pendidikan Tinggi (PPT) di Malaysia.

## AKTIVITI DAN PENCAPAIAN

### PENDAFTARAN PENUH JURUOPTIK DAN OPTOMETRIS

Semua permohonan pendaftaran penuh sebagai juruoptik dan optometris akan dinilai oleh Jawatankuasa Penilaian MOC. Jawatankuasa akan memastikan hanya individu yang layak sahaja didaftarkan sebagai Optometris dan Juruoptik sebelum mereka dibenarkan melakukan amalan optometri di Malaysia. Rajah 1 menunjukkan peningkatan bilangan optometris dan juruoptik yang berdaftar dengan MOC setiap tahun.

**Rajah 1**  
**Jumlah Optometris Dan Juruoptik Berdaftar Mengikut Tahun (2014 – 2018)**



Sumber: Laporan Aktiviti MOC 2018, Mesyuarat MOC ke-74

Jawatankuasa Penilaian Majlis Optik Malaysia yang bertanggungjawab dalam perkara yang berkaitan dengan pendaftaran dan persijilan telah mengadakan mesyuarat sebanyak 5 kali sepanjang tahun 2018 seperti jadual berikut:

**Jadual 1**  
**Mesyuarat Jawatankuasa Penilaian Sepanjang Tahun 2018**

Bil.	Perkara	Tarikh Mesyuarat
1.	Mesyuarat JKP Bil. 1/2018	28 Februari 2018
2.	Mesyuarat JKP Bil. 2/2018	11 April 2018
3.	Mesyuarat JKP Bil. 3/2018	11 Julai 2018

4.	Mesyuarat JKP Bil. 4/2018	26 September 2018
5.	Mesyuarat JKP Bil. 5/2018	21 November 2018

Sumber: Laporan Aktiviti MOC 2018, Mesyuarat MOC ke-74

Memenuhi peruntukan Seksyen 27 Akta Optik 1991, MOC telah mengemaskini Buku Daftar Juruoptik dan Optometris di mana maklumat pengamal berdaftar yang telah meninggal dunia dan telah tidak menjalankan amalan optometri di Malaysia dipotong dari Buku Daftar. Jumlah juruoptik dan optometris berdaftar yang terlibat sehingga 23 Oktober 2018 adalah seperti dalam Jadual 2.

**Jadual 2**  
**Jumlah Juruoptik dan Optometris berdaftar yang telah dipotong dari Buku Daftar**


Sebab dipotong dari Buku Daftar	Bilangan	
	Optometris	Juruoptik
Meninggal dunia	5	123
Tidak menjalankan amalan optometri di Malaysia	1	9
<b>Jumlah</b>	<b>6</b>	<b>132</b>

Sumber: Laporan Aktiviti MOC 2018, Mesyuarat MOC ke-74

## PERAKUAN PENGAMALAN TAHUNAN (APC) JURUOPTIK DAN OPTOMETRIS

Perakuan Pengamalan Tahunan (APC) Juruoptik Dan Optometris akan dikeluarkan kepada juruoptik dan optometris berdaftar yang ingin berkhidmat di Malaysia sebagaimana peruntukan di bawah seksyen 32 Akta Optik 1991. Permohonan memperbaharui APC ini boleh dilakukan melalui sistem OPTims dan pembayaran secara atas talian melalui sistem MyBayar. Jumlah juruoptik dan optometris berdaftar yang memperbaharui APC 2018 adalah lebih tinggi berbanding tahun-tahun sebelumnya. Rajah 2 menunjukkan bilangan sijil APC 2018 yang dikeluarkan berbanding APC tahun sebelumnya.

**Rajah 2**  
**Jumlah Pengeluaran APC Mengikut Tahun (2014 – 2018)**



Sumber: Laporan Aktiviti MOC 2018, Mesyuarat MOC ke-74

## **KEBENARAN MEMPRESKRIPSI DAN MENDISPENS KANTA LEKAP**

Kebenaran Mempreskripsi Dan Mendispens Kanta Lepak (Permit Kanta Lepak) adalah sijil yang dikeluarkan kepada juruoptik berdaftar yang telah lulus Peperiksaan Kanta Lepak yang dianjurkan oleh Majlis Optik Malaysia. Pada tahun 2018, sebanyak satu peperiksaan teori dan satu peperiksaan amali kanta lekap telah dijalankan di Universiti SEGi dan seramai 4 orang juruoptik berdaftar telah lulus kedua-dua peperiksaan teori dan amali. Mereka telah diberikan permit kanta lekap di bawah seksyen 30(5) Akta Optik 1991 dan menjadikan jumlah juruoptik berdaftar yang dibenarkan melakukan pengamalan kanta lekap sehingga tahun 2018 adalah seramai 575 orang. Jadual 3 menunjukkan jumlah calon yang terlibat dalam peperiksaan kanta lekap yang telah diadakan.

**Jadual 3**  
**Jumlah Juruoptik Berdaftar Yang Terlibat Dalam Peperiksaan Kanta Lepak Tahun 2018**

Peperiksaan	Tarikh	Bilangan calon	Bilangan calon yang lulus	Bilangan calon yang gagal
Teori	5 Oktober 2018	14	12	2
Amali	12 November 2018	16	4	12

*Sumber: Laporan Aktiviti MOC 2018, Mesyuarat MOC ke-74*

## **PENILAIAN DAN PEMANTAUAN AKREDITASI PROGRAM OPTOMETRI DAN OPTICIANRI DI MALAYSIA**

Jawatankuasa Teknikal Pengiktirafan Program Optometri/Opticianri (JTC) Majlis Optik Malaysia yang bertanggungjawab dalam menilai dan memantau program optometri dan opticianri yang dijalankan oleh pemberi pengajian tinggi di Malaysia telah mengadakan mesyuarat sebanyak 4 kali sepanjang tahun 2018 seperti jadual berikut:

**Jadual 4**  
**Mesyuarat Jawatankuasa Teknikal Pengiktirafan Program Optometri/Opticianri Tahun 2018**

Bil.	Perkara	Tarikh Mesyuarat
1.	Mesyuarat JTC Bil. 1/2018	23 Februari 2018
2.	Mesyuarat JTC Bil. 2/2018	30 Mei 2018
3.	Mesyuarat JTC Bil. 3/2018	28 September 2018
4.	Mesyuarat JTC Bil. 4/2018	8 November 2018

*Sumber: Laporan Aktiviti MOC 2018, Mesyuarat MOC ke-74*

Beberapa sesi penilaian dan pemantauan program juga telah diadakan bagi memastikan program optometri/opticianri yang dijalankan menepati standard yang telah ditetapkan oleh Malaysian Qualification Agency (MQA). Jadual 5 menunjukkan sesi penilaian dan pemantauan yang telah dijalankan sepanjang tahun 2018. Senarai pemberi pengajian tinggi yang menawarkan program optometri/opticianri di Malaysia adalah seperti Jadual 6.

Bagi memastikan ahli panel penilai yang dilantik untuk menjalankan akreditasi program adalah terlatih dan mempunyai kemahiran yang tinggi, Bengkel *Outcomes Based Education* telah diadakan pada 23 April 2018 dan Taklimat COPPA V2.0 & Evaluation Instruments for COPPA V2.0 pula telah diadakan pada 29 November 2018.

**Jadual 5**  
**Sesi Penilaian dan Pemantauan Program Optometri/Opticianri**

Perkara	Program	Tarikh
Penilaian Akreditasi Penuh	Diploma in Opticianry, Kolej Vision Bachelor of Optometry (Hons,) UCSI	15-16 Januari 2018 14-15 Mei 2018
Penilaian Akreditasi Sementara	Bachelor of Science (Hons) Optometry, SEGi University	13 September 2018
Pemantauan Akreditasi Penuh	Bachelor of Optometry (Hons), MSU Sarjana Muda Optometri (Kepujian), UIAM	28 Ogos 2018 7 November 2018

*Sumber: Laporan Aktiviti MOC 2018, Mesyuarat MOC ke-74*

**Jadual 6**  
**Senarai Pemberi Pengajian Tinggi Yang Menawarkan Program Optometri/Opticianri**

BIL	UNIVERSITI/KOLEJ	PROGRAM	STATUS AKREDITASI
1	Universiti Islam Antarabangsa Malaysia (UIAM)	Sarjana Muda Optometri (Kepujian)	Akreditasi Penuh
2	Universiti Teknologi MARA (UiTM)	Sarjana Muda Optometri (Kepujian)	Akreditasi Penuh
3	Management & Science University (MSU)	Bachelor of Optometry	Akreditasi Penuh
4	SEGi University	Bachelor of Optometry (Hons)	Akreditasi Penuh
5	National Institute of Ophthalmic Science (NIOS)	Bachelor of Science in Optometry	Akreditasi Penuh
6	Universiti Kebangsaan Malaysia (UKM)	Sarjana Muda Optometri (Kepujian)	Akreditasi Penuh
7	UCSI University	Bachelor of Optometry (Hons)	Akreditasi Penuh
8	Institut Profesional Axismatic	FBDO	Akreditasi Penuh
9	Vision College	Diploma in Opticianry	Akreditasi Penuh
10	Business & Management International College	Diploma in Opticianry	Akreditasi Sementara

*Sumber: Laporan Aktiviti MOC 2018, Mesyuarat MOC ke-74*

# AKTA OPTIK 1991 DAN PERATURAN-PERATURAN OPTIK 1994


Bermula Januari 2018, Jawatankuasa Pindaan Akta Optik, Majlis Optik Malaysia telah menganjurkan beberapa sesi *engagement* dan bengkel sebagai persediaan dalam menggubal Rang Undang-Undang Optik yang baru. Senarai aktiviti yang telah dijalankan adalah seperti Jadual 7.

**Jadual 7**  
**Senarai Aktiviti untuk Gubalan Rang Undang-Undang Optik**

Bil.	Tarikh	Proses/Tindakan
1.	18 Januari 2018	Sesi <i>engagement</i> bersama <i>stakeholders</i>
2.	30 Julai 2018	Persediaan pra Mesyuarat JK Gubalan Rang Undang-Undang Optik
3.	1-2 Ogos 2018	Mesyuarat JK Gubalan Rang Undang-Undang Optik Bil.1/2018
4.	27 September 2018	Mesyuarat JK Gubalan Rang Undang-Undang Optik Bil.2/2018
5.	22 Oktober 2018	Mesyuarat JK Gubalan Rang Undang-Undang Optik Bil.3/2018


Sumber: Laporan Aktiviti MOC 2018, Mesyuarat MOC ke-74

Terdapat 2 pindaan telah dibuat ke atas Peraturan-Peraturan Optik 1994 iaitu pindaan Perakuan Pendaftaran Penuh Juruoptik/Optometrus dan pindaan Perakuan Pengamalan Tahunan (APC) Juruoptik/Optometrus. Perakuan Pendaftaran penuh dan APC yang baru adalah seperti Imej 1 dan Imej 2.



**Imej 1**  
**Perakuan Pendaftaran Penuh Yang Baru**

Sumber: Peraturan-Peraturan Optik 1994, MOC



**Imej 2**  
**Perakuan Pengamalan Tahunan (APC) Yang Baru**

## **ETIKA DAN ADUAN**

MOC melalui Jawatankuasa Aduan Terhadap Pengamal Optometri telah menyelesaikan aduan yang diterima terhadap pengamal berdaftar. Daripada 16 aduan yang diterima pada tahun 2018, 10 aduan adalah berkaitan pengamal tidak berdaftar, 5 aduan berkaitan penjualan kanta lekap secara atas talian dan 1 aduan berkenaan penjualan ubat mata yang boleh merawat penyakit mata. Jawatankuasa ini telah menyelesaikan aduan-aduan ini dengan menghantar surat amaran dan merujuk aduan kepada pihak farmasi dan pihak berkuasa peranti perubatan. Nasihat juga diberikan bagi memastikan pengamal memberikan perkhidmatan optometri yang selamat dan berkualiti tinggi kepada masyarakat.

Pada 24 hingga 27 Julai 2018, MOC telah mengendalikan Bengkel Risikan kali ke-3 menggunakan modul latihan Akademi Anti Rasuah Malaysia (MACA) bertempat di Hotel Bayview, Melaka. Sejumlah 25 orang pegawai perisik yang terdiri daripada pegawai optometri KKM dilatih untuk menjalankan risikan sekiranya terdapat aduan. Tiga orang penceramah dan fasilitator daripada MACA dijemput bagi memberikan ceramah dan mengendalikan latihan.

## ***CONTINUING PROFESSIONAL DEVELOPMENT (CPD)***

Jumlah juruoptik dan optometris berdaftar dengan Majlis Optik Malaysia yang aktif memperbaharui APC sehingga tahun 2018 adalah sebanyak 3868 orang. Daripada jumlah tersebut, 1277 orang telah berdaftar dalam sistem myCPD.

## **HALATUJU**

Sejajar dengan perkembangan pesat bidang optikal, perubatan dan teknologi maklumat serta peningkatan kecanggihan pelanggan, Majlis Optik Malaysia dijangka akan menghadapi cabaran yang lebih meluas di masa akan datang.

Oleh demikian, wujud keperluan untuk merancang, melaksanakan, menyelaraskan, memantau dan menilai usaha secara berterusan bukan hanya di kalangan pengamal optometri di sektor kerajaan, pengamal optometri di sektor swasta dan pendidikan malah orang awam agar matlamat-matlamat yang berikut dapat dicapai:

- memastikan semua pengamal Optometri di Malaysia berdaftar dengan MOC.
- standard amalan Optometri yang tinggi diamalkan oleh semua pengamal Optometri di Malaysia.
- memastikan orang awam dilindungi dari akibat/bahaya yang boleh disebabkan oleh preskripsi dan pemakaian cermin mata dan kanta sentuh yang dikeluarkan oleh orang-orang yang tidak berkelayakan melalui penguatkuasaan Undang-undang dan Peraturan-peraturan Optik.
- memastikan rakyat Malaysia mendapat penjagaan kesihatan mata yang selamat dan professional.

## **KESIMPULAN**

Majlis Optik Malaysia akan sentiasa berusaha untuk mempromosi, mengawalselia dan melindungi kesihatan penglihatan rakyat Malaysia dengan memastikan penjagaan yang berkualiti diberi oleh pengamal optometri melalui penguatkuasaan undang-undang dan peraturan.